

UDRUŽENJE GLUHIH KANTONA SARAJEVO
„UG KS“
SARAJEVO
Ul. Ferhadija 19/3



S T A T U T

Sarajevo: 05.12.2013

Na osnovu tačke 1. stava 1. člana 18. Zakona o udruženjima i fondacijama (Službene novine FBiH br.45/02.), člana 10. Zakona o upotrebi znakovnog jezika u Kantonu Sarajevo (Službene novine KS br. 11/11), te alineje 1. stava 1. člana 32. i člana 62. Statuta Skupština Udruženja gluhih Kantona Sarajevo na 1.vanrednoj sjednici održanoj dana 05.12.2013.godine donosi :

S T A T U T UDRUŽENJA GLUHIH KANTONA SARAJEVO

OPŠTE ODREDBE

Član 1.

Ovim Statutom utvrđuje se:

- naziv, sjedište i područje djelovanja Udruženja,
- oblik i sadržaj amblema,
- oblik i sadržaj pečata Udruženja te njegovo korištenje,
- djelatnost, svrha i programski ciljevi,
- uslove i način ućlanjenja u Udruženje, prestanak ćlanstva, prava, dućnosti i odgovornosti ćlanova,
- organi upravljanja, njihove ovlasti, naćin imenovanja i opoziva, trajanje mandata, kvorum i naćin glasanja ukljućujući i pitanja o kojima se odlućuje kvalificiranom većinom, funkciju lica ovlaćtenog da saziva Skupćstinu,
- naćin sticanja, korištenja i raspolaganja sredstvima Udruženja,
- naćin donoćenja finansijskog izvjećtaja i izvjećtaja o radu,
- naćin donoćenja Statuta, izmjena i dopuna Statuta i drugih općih akata udrućenja,
- zastupanje i predstavljanje Udruženja,
- javnost rada,
- uvjeti i postupak za pripajanje, razdvajanje, transformaciju ili prestanak rada Udrućenja,
- pravila za raspodjelu preostale imovine u slućaju prestanka rada Udrućenja,
- i druga pitanja od znaćaja za rad Udrućenja.

I. NAZIV, SJEDIŠTE I PODRUĆJE DJELOVANJA

Član 2.

Udrućenje gluhih Kantona Sarajevo (u daljem tekstu UG KS) je slobodna, dobrovoljna, nestranaćka, nepolitićka, nevladina i neprofitna organizacija.

Član 3.

Naziv Udrućenja glasi: Udrućenje gluhih Kantona Sarajevo.
Skraćeni naziv Udrućenja glasi: UG KS.

Član 4.

Sjedište UG KS je u Sarajevu, Ulica Ferhadija 19/III.
UG KS djeluje na području Kantona Sarajevo.

II. OBLIK I SADRŽAJ AMBLEMA I PEČATA

Član 5.

UG KS ima amblem, koji predstavlja stilizovano desno uho, sa poprečnom crtom na kojoj je ispisan tekst UG KS.

Član 6.

UG KS posjeduje pečat koji je okruglog promjera širine 30 mm sa oslikanim amblemom iz čl. 5. Statuta, koji se nalazi na sredini na čijem rubnom dijelu je ispisan tekst: Udruženje gluhih Kantona Sarajevo, na bosanskom jeziku i latiničnim pismom.

Korištenje, čuvanje i uništenje pečata iz predhodnog stava, te njihov broj i vrstu Odlukom utvrđuje Upravni odbor.

III. DJELATNOST I PROGRAMSKI CILJEVI UGN KS

Član 7.

UG KS predstavlja samostalno socio-invalidsko Udruženje, koje za cilj ima okupljanje građana oštećenog sluha, radi zadovoljenja njihovih interesa, pružanja raznih vidova pomoći iz svih sfera života.

U obezbjeđenju iz predhodnog stava UG KS, a u ostvarenju ciljeva i zadataka zbog kojih je osnovan, svoj rad će usmjeriti na preovladavanje posljedica oštećenja sluha, sve u cilju olakšanja uspostavljanja komunikacije sa okolinom.

UG KS će obezbjeđivati uspostavljanje saradnje i kontakta sa nadležnim organima vlasti, organizacijama, institucijama i privredno pravnim subjektima u cilju osiguranja socijalne, zdravstvene i druge vrste zaštite (školstvo, zapošljavanje itd.), uključujući i izvršenje prijeko potrebnih poslova, a u korist članova.

UG KS može organizovati edukaciju/kurseve znakovnog jezika za organe i institucije Kantona, kao i druga pravna i fizička lica zainteresovane za učenje znakovnog jezika.

Član 8.

U okviru iz člana 7. Statuta, formirat će se služba tumača znakovnog jezika, te sekcije-radionice i aktivni i to: sportska, kulturno- umjetnička, aktivni penzionera, žena, omladine i drugi aktivni i sekcije koje formira Upravni odbor.

Službe, sekcije i aktivni formiraju se Odlukom Upravnog odbora.

Član 9.

UG KS u skladu sa zakonom može se pojaviti kao osnivač preduzeća.
Odluku iz predhodnog stava donosi Skupština UG KS.

Član 10.

UG KS u skladu sa zakonom može se udružiti ili pojaviti kao inicijator za formiranje Saveza udruženja, te se može udružiti i u druge oblike udruživanja, kao i što se može udružiti i u međunarodna Udruženja.

Odluku iz predhodnog stava donosi Skupština UG KS.

Član 11.

UG KS ima svojstvo pravnog lica sa pravima, obavezama i odgovornostima zasnovanim na Zakonu i ovim Statutom.

Svojstvo iz predhodnog stava stiče se u skladu sa Zakonom.

UG KS je pravni sljedbenik Udruženja gluhih i nagluhih Kantona Sarajevo, koje je upisano u registar kod nadležnog organa.

Član 12.

Utvrdjivanje statusa gluhe osobe, vođenje evidencije o gluhim osobama i tumačima znakovnog jezika, osiguravanje potrebe za tumačima i koordinacijom rada tumača znakovnog jezika, organizovanje kurseva znakovnog jezika UG KS obavlja kao javna ovlaštenja i kao Udruženje od javnog interesa.

IV. USLOVI I NAČIN UČLANJENJA, PRESTANAK ČLANSTVA, PRAVA, DUŽNOSTI I ODGOVORNOSTI ČLANOVA

Član 13.

Učlanjenje u UG KS je slobodno i dobrovoljno.
Članom može postati svako lice pod jednakim uslovima.

Član 14.

Članovi UG KS su:

- Gluhe osobe sa binauralnim oštećenjem sluha od 95% do 100% po Fowler – Sabine-u, kao i osoba koja zbog otežane komunikacije upotrebljava znakovni jezik (jezik gluhih), kao svoj prirodni jezik.
- Nagluhe osobe koje posjeduje gubitak sluha koji iznosi više od 30 decibela na uhu sa boljim ostacima sluha.
- Gluhoslijepe osobe.

Član 15.

UG KS u skladu sa Zakonom o upotrebi znakovnog jezika u Kantonu Sarajevo:

- a) utvrđuje status članstva koji imaju prebivalište na području Kantona Sarajevo i čuva podatke o članovima u skladu sa zakonom,
- b) vodi evidenciju o članstvu i izdaje iskaznice,
- c) vodi evidenciju tumača znakovnog jezika koji imaju prebivalište na području Kantona Sarajevo (u daljem tekstu tumač) i izdaje iskaznice tumačima,
- d) osigurava pokrivanje potrebe za tumačima na području Kantona Sarajevo,
- e) koordinira rad tumačima.

UG KS utvrđuje i određuje kategorizaciju članstva iz člana 14. u skladu sa svojim aktom, a na osnovu stepena oštećenja sluha.

Član 16.

Status člana UG KS stiče se se upisom u evidenciju članstva.

Gluhe, nagluhe i gluhoslijepe osobe podnose zahtjev za upis u evidenciju iz stava 1. ovog člana i prilažu:

- a) lične podatke – ime i prezime, matični broj, adresu i način kontakta (telefon, mail i sl.) i druge podatke,
- b) status (zaposlen, nezaposlen, učenik, student, penzioner),
- c) medicinsku dokumentaciju kojom dokazuje stepen oštećenja sluha,
- d) da li u porodici ima lice koje poznaje znakovni jezik i može se sporazumjevati znakovnim jezikom, kao i lični podaci o tom licu shodno tački a) stava 2. ovog člana,
- e) druge podatke za koje Udruženje smatra da su bitni za utvrđivanje statusa člana UG KS.

Uz zahtjev se članovi izjašnjavaju koji jezik koriste kao sredstvo komunikacije i da li imaju potrebu za znakovnim tumačem.

UG KS utvrđuje i određuje kategorizaciju članstva iz člana 14. Statuta u skladu sa svojim aktom, a na osnovu stepena oštećenja sluha.

Član 17.

Članom UG KS mogu postati, ne samo lica iz čl. 14. uključujući članove njegovog porodičnog domaćinstva (majka, otac, bračni drug, djeca rođena u braku ili van braka, usvojenici) već i druga lica koja neposredno rade u ostvarenju ciljeva i zadataka UG KS.

Pomažući članovi mogu biti građani koji aktivno učestvuju u radu Udruženja, koji pomažu u ostvarivanju ciljeva i zadataka Udruženja.

Počasni članovi mogu biti građani koji imaju posebne zasluge u izvršanju ciljeva i zadataka Udruženja. Počasnim članovima uručuje se Povelja.

Bliže odredbe o načinu izbora i dodjeli priznaja bit će utvrđene posebnim aktom.

Član 18.

Postupak prijema (učlanjenja), formi i sadržaju članske knjižice, te način vođenja evidencije i kategorizacije članova UG KS iz čl. 14., a što nije regulisano ovim Statutom utvrđuje Upravni odbor UG KS posebnim aktom.

Evidencija članova Udruženja sadrži slijedeće podatke:

- a) lične podatke – ime i prezime, matični broj, adresu i način kontakta (telefon, mail i sl.) i druge podatke,
- b) status (zaposlen, nezaposlen, učenik, student, penzioner),
- c) stepen oštećenja sluha,
- d) da li ostvaruje pravo na tumača,
- e) lice u porodici koje se može sporazumjevati znakovnim jezikom i lični podaci tog lica shodno tački a) stava 2. ovog člana,
- f) drugi podaci za koje UG KS smatra da su bitni za članove.

Učlanjenjem u Udruženje gluhim, nagluhim i gluhoslijepim osobam izdaju se iskaznice.

Iskaznice sadrže slijedeće podatke:

- a) fotografiju, ime i prezime, matični broj i broj izdate iskaznice,
- b) adresa stanovanja

Iskaznice gluhih i gluhoslijepih pored podataka navedenih u stavu 4. ovog člana sadrže i slijedeće podatke:

- a) oznaku da osoba ostvaruje pravo na tumača i
- b) napomenu da nosilac iskaznice ostvaruje sva prava utvrđena Zakonom o upotrebi znakovnog jezika u Kantonu Sarajevo pred svim organima i institucijama u Kantonu, Gradu Sarajevu i općinama na teritoriji Kantona.

Na iskaznicama mora biti označen naziv i adresa Udruženja i grb Kantona Sarajevo, a za ostali vizuelni izgled iskaznice odlučuje Upravni odbor UG KS.

Iskaznice gluhih i gluhoslijepih osoba je javni dokument na osnovu kojeg ostvaruju prava utvrđena Zakonom o upotrebi znakovnog jezika u Kantonu Sarajevo.

Način evidencije članova obuhvaćenih stavom 1., 2. i 3. člana 17. utvrđuje Upravni Odbor.

Član 19.

Udruženje vodi evidenciju tumača čije je prebivalište na teritoriji Kantona Sarajevo.

Evidencija sadrži slijedeće podatke:

- a) ime i prezime tumača, matični broj, adresa i način kontakta (telefon, mail i sl.)
- b) vrijeme kada je tumač dostupan,
- c) broj i datum upisa tumača u Registar tumača znakovnog jezika,
- d) i druge podatke koje utvrdi Upravni odbor UG KS.

Evidencija tumača je javna i mora biti dostupna svim zainteresovanim, putem WEB stranice, službenih ili drugih javnih glasila i na načine kako odredi Upravni odbor UG KS.

Član 20.

Na osnovu evidencije iz člana 19. ovog Statuta tumaču znakovnog jezika izdaje se iskaznica.

Iskaznica sadrži:

- a) fotografiju, ime i prezime tumača, matični broj, broj izdate iskaznice i dr. podatke za koje Upravni odbor UG KS smatra neophodnim,
- b) oznaku da je lice tumač znakovnog jezika i
- c) napomenu da nosilac iskaznice ima prava utvrđena Zakonomo upotrebi znakovnog jezika u Kantonu Sarajevo pred svim organima i institucijama u Kantonu, Gradu Sarajevu i općinama na teritoriji Kantona.

Na iskaznicama mora biti označen naziv i adresa Udruženja i grb Kantona Sarajevo, a za ostali vizuelni izgled iskaznice odlučuje Upravni odbor UG KS.

Iskaznica tumača je javni dokument na osnovu kojeg tumač ostvaruje prava utvrđena zakonom.

Član 21.

Sticanjem članstva u UG KS svaki član stiče prava, obaveze i odgovornosti utvrđene ovim Statutom.

Prestanak i brisanje iz spiska članstva UG KS isključivo može biti izvršeno na način i u postupku utvrđenim ovim Statutom.

Član 22.

Pravo svakog člana UG KS je:

- da aktivno učestvuje u ostvarivanju ciljeva i zadataka, učešće treba da se odvija u raznovrsnim oblicima rada i aktivnosti,
- da redovno izmiruje članarinu,
- da traže i dobiju i koriste pomoć, zaštitu, podršku u pogledu rješavanja svojih socijalnih, zdravstvenih i drugih problema,
- da koriste povlastice i mogućnosti koje UG KS obezbjeđi u pogledu rehabilitacije, zapošljavanja, kulturnog, prosvjetnog, sportskog i društveno-zabavanog života i rada i dr.
- da traži i dobije informacije o društvenim zbivanjima, djelatnosti UG KS,
- da dobije odgovor na pitanje koje je od interesa za njega, uključujući tu i druge relevantne činjenice koje predstavljaju presudnu važnost za njega,
- da poštuje i izvršava donesene Odluke nadležnih organa,
- da ne remeti međuljudski uspostavljeni odnos sa drugim članom ili članovima, ne povređujući integritet, poštovanje i ličnost bilo kojeg člana ili članova na bilo koji način.

Član 23.

Članstvo u UG KS prestaje ako:

- član samovoljno napusti uz jasno izjašnjavanje volje,
- član ne izmiruje obavezu plaćanja članarine,
- član umre,
- član zloupotrebljava iskaznice Udruženja,
- ne poštuje donesene Odluke nadležnih organa ili remeti međuljudske uspostavljene odnose sa drugim članovima, te povređuje integritet, poštovanje ličnosti člana ili članova na bilo koji način.

Član 24.

Odluku o prestanku članstva donosi organ utvrđen Statutom a na osnovu prijedloga Sekretara.

Na odluku organa iz predhodnog stava, koja bude donesena na osnovu čl. 23. stav 1. alineja 2. 4.i 5. Statuta, svaki član stiče pravo, u roku zakonom utvrđenim, na ulaganje prigovora/žalbe o kojoj odlučuje organ utvrđen Statutom čija je odluka konačna i izvršna, a

koja u svakom slučaju postaje konačna i izvršna ako protekne rok za izjavljivanje prigovora/žalbe.

Po ispunjenju uslova iz predhodnog stava, član se automatski briše.

Član 25.

Član koji nanese štetu oštećenjem ili uništenjem inventara, stalnog sredstva ili bilo koju štetu nad imovinom UG KS dužan je istu nadoknaditi u visini njene stvarne vrijednosti.

V. ORGANI UG KS, NJIHOVE OVLASTI, NAČIN IMENOVANJA I OPOZIVA, TRAJANJE MANDATA, KVORUM I PRAVILA GLASANJA, UKLJUČUJUĆI I PITANJA O KOJIMA SE ODLUČUJE KVALIFICIRANOM VEĆINOM, FUNKCIJA LICA OVLAŠTENOG DA SAZIVA SKUPŠTINU

Član 26.

Organi upravljanja UG KS su :

- Skupština,
- Upravni odbor,
- Nadzorni odbor.

Članom organa upravljanja Udruženja mogu biti gluha i nagluha lica izabrana u postupku i na način utvrđen ovim Statutom.

SKUPŠTINA

Član 27.

Najviši organ UG KS je Skupština.

Skupština broji 15 članova – predstavnika.

Izbor članova Skupštine vrši se na principu zastupljenosti članova na cijeloj teritoriji Kantona Sarajevo.

Član 28.

Skupština se saziva najmanje jedanput godišnje.

Odluku o zakazivanju sjednice Skupštine i prijedlog dnevnog reda donosi Upravni odbor.

Upravni odbor je dužan da donese odluku o zakazivanju sjednice Skupštine na zahtjev 2/3 članova Skupštine ili na zahtjev 1/12 članova od ukupnog broja članova UG KS.

Članovi organa upravljanja mogu podnijeti zahtjev Upravnom odboru ili Predsjedniku Skupštine za sazivanje vanredne sjednice Skupštine, iz razloga utvrđenim Statutom.

Ukoliko Upravni odbor ne zakaže sjednicu Skupštine u skladu sa odredbama stava 1., 2., 3. i 4 ovog člana Predsjednik Skupštine je dužan da zakaže sjednicu Skupštine u skladu sa odredbama ovog Statuta.

Kvorum za održavanje sjednice Skupštine je prisustvo 2/3 izabranih zastupnika.

Odluke na sjednicama Skupštine donose se većinom glasova od ukupnog broja prisutnih zastupnika.

Bliže odredbe o načinu rada Skupštine urediće se posebnim aktom (Poslovníkom o radu).

Član 29.

Mandat članova Skupštine iznosi 4 (četiri) godine, s pravom ponovnog izbora.

Član 30.

Svaki član Skupštine može biti opozvan, iz razloga utvrđenim ovim Statutom.

Član 31.

Član organa upravljanja odgovoran je pod uslovima utvrđenim Statutom.

Član 32.

Nadležnost Skupštine je :

- da usvaja Statut, uključujući njegove izmjene i dopune,
- daje saglasnost na pravne radnje poduzete u postupku osnivanja Udruženja,
- da imenuje i opoziva organe upravljanja,
- bira, imenuje i opoziva predsjednika – predsjednicu, zamjenika predsjednika – predsjednice Skupštine,
- da utvrđuje djelatnost i programske ciljeve utvrđene čl. 7. Statuta,
- da usvaja godišnje programe i izvještaje o radu,
- da usvaja godišnje finansijske izvještaje i finansijski plan UG KS,
- da donosi odluke o sjedištu, amblemu, djelatnosti Udruženja
- donosi odluku o osnivanju preduzeća,
- odlučuje o visini članarine,
- donosi podnormativne akte, osim akata čije donošenje je u nadležnosti drugog organa,
- da potvrđuje lica za zastupanje i predstavljanje UG KS,
- da donese Odluku o prestanku rada UG KS na zakonu zasnovanim razlozima,
- odlučuje o udruživanju u saveze, pripajanju razdvajanju, transformaciji i drugim statusnim promjenama Udruženja.
- da daje smjernice, uputstva i na druge načine usmjerava rad organa upravljanja,
- usvaja godišnje izvještaje o poslovanju preduzeća čiji je osnivač.
- vrši i druge poslove od interesa za UG KS.

Član 33.

Vanredna sjednica Skupštine održat će se:

- ako organi ne obavljaju rad u skladu sa Statutom i opštim aktom,
- ako se ispuni bilo koji razlog za opoziv članova organa upravljanja, a što onemogućava rad tih organa,
- i u drugim hitnim slučajevima koji onemogućavaju normalan rad, a u skladu sa Zakonom, Statutom i aktima UG KS.

Član 34.

Predsjednik - Predsjednica Skupštine:

- predstavlja i zastupa UG KS u pravnom prometu sa trećim licima,
- zaključuje ugovore i odgovoran je za zakonitost rada zajedno sa Predsjednikom – Predsjednicom Upravnog odbora i Sekretarom UG KS,
- saziva sjednice Skupštine i rukovodi njihovim radom,
- potpisuje odluke iz svoje nadležnosti,
- stara se o provođenju odredaba Poslovnika,
- vrši i druge poslove za koje ga ovlasti Skupština.

Član 35.

Zamjenik Predsjednika – Predsjednice Skupštine pomaže Predsjedniku – Predsjednici Skupštine u izvršavanju poslova i zadataka i zamjenjuje ga u odsustvu, osim predstavljanja i zastupanja i potpisivanja ugovora.

UPRAVNI ODBOR

Član 36.

Upravni odbor UG KS je izvršni organ sa upravljačkim funkcijama i pravima utvrđenim ovim Statutom.

Član 37.

Upravni odbor broji 5 (pet) članova.

Član Upravnog odbora je po funkciji predsjednik - Predsjednica ili zamjenik Predsjednika - Predsjednice sekcije iz čl. 8. Statuta.

Članom Upravnog odbora može biti na osnovu Odluke Skupštine i drugo lice koje nema funkciju navedenu u prethodnom stavu.

Upravni odbor se sastaje po potrebi, a najmanje jedanput u jednom kvartalu.

Član 38.

Upravni odbor je odgovoran za svoj rad Skupštini.

Članove Upravnog odbora imenuje i opoziva Skupština.

Član 39.

Mandat članova Upravnog odbora iznosi 4 (četiri) godine.

Po isteku vremena iz predhodnog stava, članovi mogu biti ponovno birani u postupku i na način utvrđen Statutom i aktima UG KS.

Član 40.

Kvorum za održavanje sjednice Upravnog odbora je prisustvo 2/3 izabranih članova.

Odluke na sjednicama Upravnog odbora donose se većinom glasova od ukupnog broja prisutnih članova.

Bliže odredbe o načinu rada Upravnog odbora urediće se posebnim aktom, poslovníkom o radu.

Član 41.

Dnevni red za sjednice Upravnog odbora utvrđuje Predsjednik/ca uz konsultaciju sa Sekretarom.

Materijale i obavjesti za održavanje sjednice Upravnog odbora dostavlja Sekretar preko zaposlenog radnika 5 dana ranije.

Izuzetno, rok dostavljanja iz predhodnog stava može biti kraći ukoliko je posrijedi vanredna sjednica.

Bliže odredbe o radu Upravnog odbora određuju se Poslovníkom o radu Upravnog odbora.

Član 42.

Upravni odbor:

- donosi opšte akte iz svoje nadležnosti,
- priprema sjednice Skupštine,
- priprema i predlaže nacrt Statuta i utvrđuje prijedloge svih akata i odluka koje donosi Skupština,
- provodi politiku, zaključke i druge odluke koje je donijela Skupština,
- upravlja imovinom UG KS,
- utvrđuje prijedloge za imenovanje i opoziv pojedinog člana organa upravljanja,
- donosi Odluke o prestanku članstva,
- vrši izbor Sekretara UG KS i v.d. u skladu sa Zakonom,
- daje upute i smjernice Sekretaru,
- donosi podnormativne akte iz radnih odnosa i dr. akte iz oblasti poslovanja UG KS,
- usvaja periodične obračune i predlaže godišnji obračun UG KS, uključujući donošenje Odluka o kretanju finansijskih sredstava koja prelaze iznos utvrđen finansijskim planom,
- utvrđuje i predlaže Skupštini donošenje Odluke o usvajanju izvještaja o radu UG KS,
- imenuje i razrješava upravu preduzeća čiji je osnivač,
- usvaja periodične izvještaje o poslovanju preduzeća čiji je osnivač,
- donosi Odluke iz čl. 14., 15., 16., 17., 18., 19., 20. Statuta,
- odlučuje o prigovoru/žalbi člana UG KS u slučaju prestanka članstva,
- donosi odluke o osnivanju sekcija (radionica i aktiva iz člana 8. Statuta,
- utvrđuje i određuje kategorizaciju članstva iz člana 14. Statuta,
- donosi Pravilnik o načinu izbora i dodjeli priznaja,
- da prima i opoziva počasne članove UG KS iz razloga utvrđenim Statutom,
- da izabere predstavnike u nadležni organ iz čl. 10. stav 1. Statuta,
- podnosi godišnje ili periodične izvještaje o svom radu Skupštini na usvajanje,
- vrši i druge poslove utvrđene zakonom, Statutom i aktima UG KS.

Član 43.

Predsjednik – Predsjednica Upravnog odbora UG KS u okviru svojih prava i dužnosti:

- predstavlja i zastupa UG KS u pravnom prometu sa trećim licima,
- zaključuje ugovore i odgovoran je za zakonitost rada zajedno sa Predsjednikom – Predsjednicom Skupštine i Sekretarom UG KS,
- zajedno sa Sekretarom organizuje, priprema, saziva sjednice Upravnog odbora,
- predsjedava sjednicama Upravnog odbora,
- stara se o izvršavanju planova rada i realizovanju Odluka i zaključaka Skupštine i Upravnog odbora,
- potpisuje opšta akta koja donosi Upravni odbor i potpisuje odluke iz svoje nadležnosti,
- izvršava i druge poslove koje mu povjeri Skupština i Upravni odbor.

Član 44.

Zamjenik Predsjednika – Predsjednice Upravnog odbora pomaže Predsjedniku – Predsjednici u izvršavanju poslova i zadataka i zamjenjuje ga u odsustvu, osim predstavljanja i zastupanja i potpisivanja ugovora.

NADZORNI ODBOR

Član 45.

Nadzorni odbor je organ poslovanja UG KS.
 Nadzorni odbor se sastoji od 3 (tri) člana, Predsjednik i dva člana.
 Mandat Nadzornog odbora je 4 (četiri) godine.
 Članovi Nadzornog odbora mogu ponovo biti birani u postupku i na način utvrđen Statutom i aktima UG KS.
 Odbor održava sjednice prema potrebi, a najmanje dva puta godišnje.
 Članove Nadzornog odbora imenuje i opoziva Skupština UG KS.
 Nadzorni odbor je odgovoran za svoj rad Skupštini UG KS.
 Stavove, mišljenja i prijedloge Nadzorni odbor utvrđuje većinom glasova Nadzornog odbora.

Član 46.

Nadzorni odbor:
 -analizira izvještaje o materijalnom poslovanju UG KS,
 -vrši nadzor nad upotrebom sredstava za rad, te pregleda godišnji izvještaj o poslovanju i godišnji obračun,
 -pregledava i provjerava urednost, ažurnost i zakonitost vođenja poslovnih knjiga i drugih akata o poslovanju UG KS,
 -izvještava Skupštinu i Upravni odbor o stanju iz predhodnih alineja,
 -vrši i druge poslove utvrđene Statutom i aktima UG KS,

Član 47.

Član organa upravljanja može biti opozvan, u toku trajanja mandata ako:

-ne obavlja funkciju člana u skladu sa Statutom i aktima, naročito ako ne prisustvuje sjednicama, remeti rad s nepristojnim ponašanjem, prisustvuje sjednicama u alkoholiziranom i toksičnom stanju itd.

-ispune se uslovi predviđeni u čl. 23. Statuta,
-uslijed teško narušenog zdravstvenog stanja nije u mogućnosti obavljati funkciju člana,
-ispune se zakonom propisani uslovi.

VI. SEKRETAR I STRUČNA SLUŽBA

Član 48.

UG KS ima Sekretara.

Imenovanje i razrješenje dužnosti Sekretara vrši Upravni odbor.

Sekretar se imenuje po osnovu javnog konkursa.

Sekretar zasniva radni odnos na neodređeno vrijeme.

Sekretar za svoj rad odgovara Upravnom odboru.

Član 49.

Sekretar u okviru svojih prava i zadataka obavlja:

- organizuje rad i rukovodi radom zaposlenih radnika,
- predstavlja i zastupa UG KS u pravnom prometu sa trećim licima, zaključuje ugovore i odgovoran je za zakonitost rada zajedno sa Predsjednikom – Predsjednicom Skupštine i Predsjednikom - Predsjednicom Upravnog odbora,
- finansijski naredbodavac,
- predlaže Upravnom odboru donošenje opštih akata (o unutrašnjoj organizaciji i sistematizaciji poslova i zadataka) i drugih akata iz nadležnosti ovog organa,
- odlučuje u skladu sa zakonom i ovim Statutom, te aktima UG KS o pravima, obavezama i odgovornostima radnika,
- donosi Odluke o zasnivanju radnog odnosa i prestanku radnog odnosa zaposlenih radnika,
- podnosi Upravnom odboru izvještaje o radu i finansijskom poslovanju,
- vrši i druge poslove u skladu sa zakonom, Statutom i aktima UG KS,
- Sekretar može dio svojih ovlaštenja, izuzev potpisivanja ugovora prenijeti na lice koje je u radnom odnosu u UG KS ili na lice koje nije u radnom odnosu, ali je iz reda članova organa upravljanja Udruženja.

Član 50.

Za obavljanje administrativno tehničkih i finansijsko-računovodstvenih poslova u UG KS može se zasnovati radni odnos.

Broj izvršilaca po osnovu opšteg akta o sistematizaciji radnih mjesta utvrđuje Upravni odbor, a na prijedlog Sekretara UG KS.

Zasnivanje radnog odnosa, prava, obaveza i dužnosti zaposlenih radnika odvijat će se u skladu sa Zakonom, Statutom i opštim aktom UG KS.

VII. NAČIN STICANJA, KORIŠTENJA I RASPOLAGANJA

SREDSTVIMA UG KS

Član 51.

Sredstva UG KS čine stvari, prava i novac.

Imovinu UG KS čine vlastita sredstva, odnosno skup imovinski prava koje UG KS ima.

UG KS je obavezan voditi poslovne knjige i sastavljati periodične i godišnje obračune u skladu sa Zakonom i aktima UG KS.

Član 52.

UG KS preko ovlaštenih lica za zastupanje i predstavljanje zaključuje ugovore i vrši i druge poslove i radnje u okviru svoje pravne sposobnosti.

Član 53.

UG KS odgovara za svoje obaveze svojom imovinom.

Član 54.

Sredstva za rad UG KS obezbjeđuje iz slijedećih izvora:

- članarina,
- finansiranje nadležnih organa-sredstva budžeta,
- finansiranje po osnovu obavljanja javnih ovlaštenja iz člana 10. Zakona o upotrebi Znakovnog jezika u Kantonu Sarajevo,
- dobrovoljnih priloga, donacija, pokolna, legata i zavještanja fizičkih i pravnih lica,
- dobiti preduzeća kojima je osnivač,
- i iz drugih izvora u skladu sa Zakonom i Statutom.

Član 55.

Sredstva UG KS koristit će se isključivo u svrhu obezbjeđivanja uslova rada i u cilju ostvarivanja ciljeva zbog kojih je osnovan, kao i obezbjeđenja uslova rada zaposlenika Stručne službe UG KS sve u skladu sa Zakonom.

Član 56.

Korištenje sredstava iz predhodnog člana odvijati će se kroz raspolaganje bez ograničenja.

Član 57.

Lični dohodci radnika raspodjeljuju se u skladu sa Zakonom, Statutom i opštim aktom.

VIII. NAČIN DONOŠENJA FINANSIJSKOG IZVJEŠTAJA I IZVJEŠTAJA O RADU

Član 58.

Finansijski plan i finansijski izvještaj usvaja Skupština UG KS.

Član 59.

Finansijsko poslovanje UG KS vodi se u skladu sa Zakonskim propisima, na osnovu godišnjeg finansijskog plana, vodeći računa o štednji i racionalnom trošenju.

Član 60.

Program rada i izvještaj o radu usvaja Skupština UG KS.

Član 61.

Izvještaj o radu, program rada, finansijski izvještaj i finansijski plan donose se ako je glasala većina izabranih zastupnika prisutna na sjednici Skupštine.

IX. NAČIN DONOŠENJA STATUTA, IZMJENA I DOPUNA STATUTA I DRUGIH OPĆIH AKATA UG KS

Član 62.

Skupština usvaja Statut na osnovu glasanja njenih članova.

Smatra se da je Statut usvojen ukoliko za isti bude glasala većina izabranih zastupnika koja je prisutna na sjednici Skupštine.

Inicijative za izmjenu i dopunu Statuta mogu dati predstavnici Skupštine, Upravni odbor i Sekretar.

Izmjene i dopune Statuta usvajaju se na način i u postupku navedenim u stavu 1. i 2. ovog člana.

Skupština utvrđuje prečišćeni tekst Statuta.

X. ZASTUPANJE I PREDSTAVLJANJE UG KS

Član 63.

Lica za zastupanje i predstavljanje UG KS u pravnom prometu sa fizičkim i pravnim licima su : Predsjednik - Predsjednica Skupštine, Predsjednik – Predsjednica Upravnog odbora i Sekretar UG KS.

Mandat lica za zastupanje i predstavljanje UG KS je 4(četiri) godine , s pravom reizbora.

XI. JAVNOST RADA UGN KS

Član 64.

Rad UG KS je javan.

Svi članovi UG KS u pogledu rada organa upravljanja imaju pravo da budu informisani.

Javnost rada u pogledu obezbjeđenja primjene stava 1. ovog člana, podrazumjeva obezbjeđenje putem izvještaja o radu organa, oglašavanjem u sredstvima javnog informisanja, oglašavanjem na oglasnoj ploči UG KS i Zakonom propisanim putem.

Sekretar je obavezan blagovremeno, a na zahtjev ovlaštenih organa dostaviti im potrebne podatke ili informacije.

Informacije ili izvještaji koji predstavljaju poslovnu tajnu ili zakonom utvrđenu tajnu ne podliježu primjeni stava 1. i 2. ovog člana.

XII. UVJETI I POSTUPAK ZA PRIPAJANJE, RAZDVAJANJE TRANSFORMACIJI ILI PRESTANAK RADA UDRUŽENJA TE PRAVILA RASPODJELE PREOSTALE IMOVINE U SLUČAJU PRESTANKA RADA UDRUŽENJA

Član 65.

UG KS prestaje sa radom u skladu sa Zakonom.

Odluku o prestanku rada UG KS donosi Skupština.

U slučaju iz predhodnog stava, Skupština donosi odluku u skladu sa Zakonom i Statutom o raspodjeli sredstava, ne dirajući prava preduzeća koje je UG KS osnovao.

UG KS se može transformisati u skladu sa Zakonom.

Odluku o transformaciji UG KS donosi Skupština.

U slučaju iz prethodnog stava, Skupština odlučuje o imovini UG KS u skladu sa Zakonom i Statutom.

XIII. PRELAZNE I ZAVRŠNE ODREDBE

Član 66.

Sva pitanja koja nisu uređena ovim Statutom biti će regulisana podnormativnim aktima.

Akti iz Statuta biti će doneseni u roku od 30 dana od dana stupanja na snagu Statuta.

Statut stupa na snagu danom donošenja.

Član 67.

Usvajanjem i primjenom ovog Statuta svi doneseni opšti akti primjenjivati će se i dalje ukoliko nisu pojedine odredbe u suprotnosti sa ovim Statutom.

Član 68.

Danom usvajanja ovog Statuta prestaje sa važenjem raniji Statut UG KS broj 12-02/13 donešen 10.01.2013. godine registrovan kod Ministarstva pravde i uprave Kantona Sarajevo pod brojem 03-05-05-1290/13 od 28.02.2013. godine.

Član 69.

Po usvajanju ovog Statuta odluka o istome te i sam Statut bit će izvješeni na oglasnoj tabli UG KS, uključujući i oglasnu tablu u Društvenom domu gluhih UG KS.

Broj: 596-02/13.
Sarajevo, 05.12.2013.g.

PREDSJEDNICA SKUPŠTINE
Fikreta Čičak